



## Whakarāpopoto Kaupapa Here – Te Kaupapa Here Inihua Paremata Hōhipera (Hospital Indemnity Policy)

I tēnei Whakarāpopototanga Kaupapa Here, ko ngā kupu “mātou”, “tā mātou” me “tō mātou” ko te *American Income Life Insurance Company*, te kaiinihua i raro i te Kaupapa Here.

Ko te tikanga o ngā kupu “koe” me “tō/tāu/tōu” ko te tangata kua whakaingoatia hei “Hunga Whai Inihua” ki te Tāpiritanga Kaupapa Here.

### Ka tukuna e te Kaupapa Here ngā āwhina i takea mai i te Māuiui, i te Whara rānei

Ka inihua te Kaupapa Here ki tā te Tangata Kapi Māuiui, Whara hauata rānei.

Ka utua anake e mātou te āwhina hāngai mēnā ka pā te Whara, ka tīmata rānei te whakamaimoatanga mō te Māuiui, i te wā e mana ana te Kaupapa Here. Ko te tikanga o “mana” kāore anō kia mutu te kapi inihua.

E tohu ana mātou i a koe me ia mema whai inihua o tō whānau hei “Tangata Kapi”.

### Kei a koe te tika hei whakakore i te Kaupapa Here i roto tonu i te 10 rā mahi

Ki te kōwhiri koe ki te whakakore i te Kaupapa Here i roto i te 10 rā mahi o te whiwhinga mai i a mātou, ka noho mātou, ka noho hoki koe ki te āhuatanga ōrite i tērā mēnā kāore i tukua he kaupapa here. Ina ka pērā, mā mātou e whakahoki ngā utu inihua kua utua e koe.

Ka taea te whakakore i te Kaupapa Here mā te whakamōhio atu ki:

- a mātou, ki ā mātou taipitopito whakapā ki runga ake; tērā rānei
- te kaitohutohu *AIL o Aotearoa* nāna i hoko atu ki a koe.

Ki te whakakore koe i te Kaupapa Here ā muri i te 10 rā mahi o te whiwhi i tērā, kāore mātou e whakahoki i ngā utu inihua kua utua e koe.

**Ko te take o tēnei  
Whakarāpopoto Kaupapa  
Here hei whakamārama  
i ētahi o ngā āhuatanga  
matua o te Kaupapa Here.**

He tirohanga whānui poto noa iho tēnei Whakarāpopoto Kaupapa Here, ā, kāore i te noho hei wāhanga o te kirimana ki waenganui i a koutou me mātou.

**KIA ĀTA PĀNUITIA TE  
KAUPAPA HERE INA RIRO  
I A KOE.**

Kei te Kaupapa Here tūturu te mōhiohio katoa, ā, kei te whakatakotoria ki reira ngā here.



## Ka taea tō whānau te inihua ki raro i te Kaupapa Here

## Ka whakanau pea mātou ki te utu i ngā āwhina ki te kōrero mai koe i tētahi mea hē ki tō tono

## E utua ana mātou i ngā momo āwhina rerekē

Ko ngā mema o tō whānau ka taea te inihua ko:

- tāu hoa mārena, tāu hoa uniana ā-pāpori, tāu hoa moe māori rānei;
- āu tamariki i raro iho i te 19 tau te pakeke kāore anō kia mārena, kia noho i roto i tētahi uniana ā-pāpori, i roto rānei i tētahi hononga moe māori rānei, ā, e whakawhirinaki ana ki a koe mō te tautoko.

Engari ki ia kēhi, kia inihuanga ai me mātua whakaingoa ia ki te tono, me tāpiri rānei ki te Kaupapa Here i muri i te tukunga. E hāngai ana ki tā mātou whakaaetanga te kapi mō ērā atu tāngata whirinaki.

Kei te Kaupapa Here ētahi whakaritenga taipitopito mō te mutunga o te inihua mō ngā mema whānau i raro i te Kaupapa Here. Kei roto i ēnei whakaritenga hei tauira, ka ahatia ā muri i te taenga a āu tamariki kia 19 tau te pakeke.

Ki te kōrero mai koe i tētahi mea hē ki tō tono mō te Kaupapa Here (ka waiho rānei i tētahi mea), i roto i ngā tau e rua tuatahi ka pēnei pea mātou (ina whakaaetia e te ture):

- ka whakakore, whakakore i te mana rānei o te Kaupapa Here; ā,
- ka whakanau ki te utu i ngā kerēme ka tukuna e koe.

Ā muri i te hipanga o taua rua tau, kāore mātou e whakakore i te mana o te Kaupapa Here, te whakanau rānei ki te utu i ētahi kerēme mēnā i kōrero mai koe i tētahi mea hē ki tō tono (i waiho rānei i tētahi mea). Ka pēnei ki te kore koe i tinihanga i tāu whakamahi pērā.

Ka utua pea ngā āwhina e whai ake nei mēnā ka pāngia tētahi Tangata Kapi e tētahi Whara, Māuiui rānei.

### *Āwhina Paremata ki Rō-Hōhipera*

Ka utua e mātou te Āwhina Paremata ki Rō-Hōhipera mehemea me noho te Tangata Kapi ki rō hōhipera i runga i te Whara, te Māuiui rānei. Kia utua e mātou:

- me mana te Kaupapa Here mō ia rā o te noho ki te hōhipera; ā,
- me hiahia te noho ki te hōhipera e tētahi tākuta.

Ka utua tēnei āwhina mō ia rā ka noho te Tangata Kapi mō te roanga o te pō i rō hōhipera mō te tiakitanga, te whakamaimoatanga hoki ka hiahiatia. Kei te whakatakotoria te rahi ka utua e mātou ki te Āpitihanga Kaupapa Here. Ko te tau mōrahi o ngā rā ko te 365.

### *Āwhina Paremata Poka Tūroro nō Waho*

Ka utua e mātou te Āwhina Paremata Poka Tūroro nō Waho mēnā kua pokaina tētahi Tangata Kapi hei tūroro nō waho ki tētahi hōhipera, hei tūroro nō waho ki tētahi whare poka rānei.

Ka utua tēnei āwhina mō ētahi rā (e ai ki te whakatakotoranga ki te Kaupapa Here) i runga i te momo poka.



## Ka tāpiritia pea tētahi āwhina tāpiri ki te Kaupapa Here

### Āwhina Paremata ki te Kāinga

Ka utu mātou i te Āwhina Paremata ki te Kāinga mēnā e whakaponohia ana e tētahi tākuta he mea waiwai kia torohia tētahi Tangata Kapi ki te kāinga mō:

- ngā ratonga nēhi whai pūkenga; me te
- haumanu ā-tinana, ā-kōrero, ā-rongo, ā-ngangahau hoki.

Me tīmata ngā toronga kāinga i roto i te 7 rā o te noho hōhipera a te Tangata Kapi.

Kāore mātou e utu i te neke atu i te kotahi wiki o te Āwhina Paremata ki te Kāinga mō ia rā ka noho te Tangata Kapi ki te hōhipera. Ka utua e mātou tēnei āwhina mō te mōrahi o te 12 wiki.

### Āwhina Hauata Ohotata

Ka utua e mātou ngā utu ki te whiwhi te Tangata Kapi i te whakamaimoatanga ki tētahi hōhipera, ki tētahi whare tūroro nō waho rānei hei putanga o tētahi Whara ko te hauata te take. Ka utua anake e mātou ngā utu ka pā ki roto tonu i te 72 hāora o te hauata.

Kei te whakatakotoria te rahi mōrahi ka utua e mātou mō tētahi hauata kotahi ki te Āpitianga Kaupapa Here. Kāore mātou e utu i te Āwhina Hauata Ohotata mehemea ko te Tangata Kapi:

- ka hiahia ki tētahi noho hōhipera hei putanga o te hauata; tērā rānei
- ka māraurau mō tētahi atu āwhina ki raro i te Kaupapa Here.

Kāore mātou e utu i te Āwhina Hauata Ohotata mō te neke atu i te 3 hauata ia tau maramataka mō ia Tangata Kapi.

### Te Āwhina Hemo Hauata, Momotu Waewae/Ringaringa hoki

Ka utua e mātou te Āwhina Hemo Hauata, Momotu Waewae/Ringaringa hoki ki te hua mai i tētahi Whara ki te Tangata Kapi tētahi o ngā ngarotanga e whakatakotoria ana ki te Kaupapa Here (tae atu ki te ngaronga o te orange) mō tēnei āwhina.

Ka utua e mātou Te Āwhina Hemo Hauata, Momotu Waewae/Ringaringa hoki hei whakakapi i ērā atu āwhina me utu pea ki raro i te Kaupapa Here e hua mai ana i te hauata kotahi.

Ka tāpiritia pea tētahi āwhina tāpiri ki te Kaupapa Here mō te utu inihua anō.

Ka utua te āwhina tāpiri mēnā ka whakanohoia ki te hōhipera te Tangata Kapi, ā, ka whiwhi i te Āwhina Paremata ki Rō-Hōhipera ki raro i te Kaupapa Here. Ka utua te āwhina i te wā ko te Tangata Kapi:

- e kore e taea e ia āna mahi auau, noa hoki; ā,
- e noho ana ki raro i te tiakitanga a tētahi tākuta.

He utu ā-wiki te āwhina tāpiri ka tīmata i te rā o te wewete i te Tangata Kapi i te hōhipera. Ko te tau o ngā wiki e utua ana te āwhina ka hāngai ki te roa o te noho ki rō hōhipera a te Tangata Kapi. Ko te wā āwhina mōrahi ko te 12 wiki.



## Kaore mātou e utu i tētahi āwhina i ētahi āhuatanga

Ka whakatakotoria te āwhina tāpiri ki tētahi puka e kīia ana ko tētahi “Tāpiritanga Kaupapa Here Āwhina Paremata Mātūtū”.

Ka noho te Tāpiritanga Kaupapa Here Āwhina Paremata Mātūtū hei wāhanga o te Kaupapa Here, ā, me pānui ngātahi ki taua Kaupapa Here. Ki te kore e kīia kētia e te Tāpiritanga Kaupapa Here, kāore e whakarerekētia te Kaupapa Here ake.

Kāore mātou e utu i ngā āwhina ina takea mai ana te ngaronga, ka whakakahangia rānei e:

- te pakanga, tētahi mahi pakanga rānei, i tētahi whara rānei ka pā mai i te wā e mahi ana ki ngā ope tauā e tūhono ana ki te pakanga, ahakoa he mea whakapuaki, kāore rānei;
- te whakamomori, tētahi ngana whakamomori rānei, ahakoa i runga i te ngākau ora, ahakoa he pōrangī rānei; mai i tētahi whara nā te tangata anō i whakamahi i runga i te takune rānei;
- te māuiui ā-hinengaro, ā-kare-ā-roto rānei;
- te hapū noa, te whakawhānau noa, te whakatahe rānei;
- te mahi, te ngana rānei ki te mahi i tētahi hara ka whiua pea e te maunga herehere;
- te rerenga ā-manurererangi, hāunga ia he pāhihi utu kawenga ki ngā waka rererangi ahumoni he auau te whakarite; tērā rānei
- te kai, te inu, te miti rānei, te noho ki raro rānei i te pānga o te waipiro, o mea whakahaurangi kē rānei, te noho rānei ki raro i te pānga o tētahi tarukino, whakapōauau rānei (atu i ngā pūroi e whakaaetia ana e te ture nā te tākuta i tūtohu).

Kāore mātou e utu āwhina mō tētahi pānga i roto i te rua tau tuatahi o te kapinga o tētahi Tangata Kapi mēnā:

- i puta taua pānga i tētahi mate nā te tākuta i tautohu, i tuku rānei i te tohutohu, te whakamaimoatanga rongoā rānei; ā,
- i pērā te tākuta i te rua tau i mua i te whakamanatanga o te kapinga a taua tangata.

Heoi anō, ka kapia wawetia ngā mate hauora e rārangihia ana ki te tono, ki te kore e aukatingia ana i te kapinga e tētahi puka e honoa ana ki te Kaupapa Here.

## Me mātua utu ngā utu inihua auau

Me mātua utu ngā utu inihua auau ki a mātou kia pupuritia tonutia ai te mana o te Kaupapa Here. Kei te whakatakotoria te rahi o ngā utu inihua ki te Āpitianga Kaupapa Here.

Mēnā kāore anō kia utua te utu i mua i te rā me utu, ka whakaaetia e mātou e 31 ngā rā kia utua te utu inihua.



## Ka whakahou aunoatia te Kaupapa Here

E kī taurangitia ana kia taea te Kaupapa Here te whakahou mō ngā rā o tō ao. Ka pēnei mēnā ka utua ngā utu inihua, ā, ka whakatutukihia ō kawenga i raro i te Kaupapa Here. I te roanga o te wā e mana ana te Kaupapa Here, ā, e whakatutukihia ana ō kawenga i raro i te Kaupapa Here, e kore e taea e mātou te whakakore i te Kaupapa Here, te whakatakoto rānei i ētahi atu here tāpiri ki runga.

Kei a mātou te tika ki te panoni i ngā rahi utu inihua whakahou mō te Kaupapa Here. Ka pā te panoni pēnei ki ngā kaupapa here katoa i Aotearoa he ōrite te āhua o te Kaupapa Here. Ka tukuna te pānui o te panoni ki a koe i te 31 rā i mua.

## Ka pēhea tō tuku kerēme

Me whakamōhio mai koe ki a mātau (ki tētahi kaitohutohu *AIL o Aotearoa* rānei), mā te tuhituhi, mō tētahi kerēme. Me pēnei i roto i te 60 rā o te tīmatanga o te ngaronga e kapi ana i te Kaupapa Here, i te wā tata rawa ka taea ā muri i taua wā rānei.

Mā mātou e tuku ētahi puka kerēme ki a koe hei whakaoti ina whakamōhio mai koe i a mātou mō tētahi kerēme.

Me whakaoti e koe ngā puka kerēme, ā, me whakahoki mai ki a mātou (ki tētahi kaitohutohu *AIL o Aotearoa* rānei), me te rau atu i ngā mōhiohio rongoā tautoko e hiahiatia ana. Me pēnei koe i roto tonu i te 90 rā o te rā o te ngaronga. Ki te kore e taea te whakaoti me te whakahoki i ngā puka i roto i tēnei here wā, tērā pea ka whai wā anō koe kia mahi pēnei (e ai ki te kōrero ki te Kaupapa Here).

Ka utua e mātou ngā āwhina i raro i te Kaupapa Here i te rironga mai ki a mātou o te whakatūturutanga ā-tuhi o te ngarotanga.